



“It、ngeih、sam、seiq……” Ha, gou dauqdaej hag rox dwkyienq lo.

Daj it nienzgaep hainduj, gou dwkyienq couh itcig mbouj ndei, ciengzseiz lienz dwk song aen cungj dwk mbouj ndaej, dwk daengz sam aen couh suenq ak lai lo. Gou ciengz vih neix simnyap.

Miz baez ndeu hwnj dangzdiyuz, lauxsae fat hawj dou moix vunz aen yienq ndeu lienh dwk. Gou yawjraen gyoengqvunz dwk ndaej aenyienq mbin-fwfw, simgaenj dangqmaz, aenvih gou gaenbonj mbouj rox dwk. Ai, cengqgengz lienhlien gonq ba, gou ngamq sawq dik baez ndeu, aenyienq couh deng mbin ok gyae'gyae bae lo. Gou doq bae gip doq naemj: “Gou itdingh aeu dwk ndei!”

Dwkyienq

Cuengqhag ma ranz le, gou sikhaek ra yienq okdaej lienh, daxmeh youq henz sonyinx. Gou gveng aenyienq doxhwnj, youh baenzlaenz iet din bae ciep aenyienq, aen daih' it lij suenq caijsaq ndei, hoeng gig vaiq couh doek roengz deih lo. Daxmeh bwnda nyaeuq dwk naeuz: “Mwngz dik baez ndeu le, couh cuengq din roengz daej ciep baez daihngaih.” Gangj sat de couh dwk hawj gou yawj, aenyienq youq gwnz din de caen dingqgangj, hawj gou hozhaenz liux, gou seizlawz cij lienh ndaej yienghneix ha? Gou youh lienzcienz lienh, hoeng cungj dwg dik sat baez ndeu cuengq din roengz, caengz caj gou iet din, aenyienq youh doek deih lo. Aenvih deiheih gungq hwet gip yienq, mbouj geij nanz gou couh hwet naiq laeng in, hanh conh buh dumz lo. Hoeng aenyienq lumj cienmonz caeuq gou doxdingj nei, cungj dwg beij din gou doek deih gonq, gou huj lo, vut aenyienq okbae. Daxmeh gipmuengz naeuz: “Hag dwkyienq mbouj gojnaengz it seiz buenq seiz couh hag ndaej baenz, mwngz aeu ngoenzngoenz dingj lienh cij ndaej, dajdingh cinbu didi ndeu, mwngz hix dwg dwk ndaej yied daej yied ndei.”

Gou dingq le, daj gyangfwngz daxmeh ciep gvaq aenyienq, sup gaemz heiq laeglaeg ndeu, bau aenyienq hwnj, vaiq hwnj din bae ciep, gingqyienz laebdaeb ciep ndaej song baez, gou sim' angq dangqmaz, doeklaeng youq daxmeh gujli lajde, gou gig yungzheih couh lienz dik ndaej song baez lo, gou hix lienh ndaej engq hwnjyinx lo.

Couh yienghneix ngoenzngoenz lienh, gou lij camgya le doih dwkyienq hagdangz, miz lauxsae cienmonz son, gou dwk ndaej yied daej yied ndei lo, doeklaeng gou daibyauij hagdangz camgya doxdax dwkyienq daengx si, ndaej daih' it mingz ne.

Mboujdan dwg hag dwkyienq, guh gijmaz saeh cungj dwg yienghneix, cijaeu mwngz nyinhcaen bae guh, haengj roengzrengz couh itdingh guh ndaej baenz. Miz di saeh yawj hwnjdaej hojnanz lai, hoeng cijaeu mwngz nyienh bae sawq, nyienh bae guh, mbouj miz gijmaz guh mbouj baenz.

Gyoengq boux doengzhag, geiq maenh coenz vah neix: Gwnz biengz mbouj saehnanz, cij lau vunz mizsim! Raeuz doengzcaez roengzrengz ba.

(Yangz Cinyuz sij Ouh Caijfangh hoiz)

Doengzdaiz Moq Gou

Doengzdaiz moq gou —— Lij Liz, byoem luenh lumj rongzgaeq nei, sing hunggok, caeuq vunz gangj vah cungj lumjbaenz hemq nei, ciengz hawj lauxsae laj laeuz buet hwnjdaej gauq. Gou doiq de yinsieng soqlaiz mbouj ndei. Mboujgvaq, gienh saeh haenx fatseng le, gou doiq de yawjap gajbienq lo.

Ngoenz haenx, lwnz daengz ban gou baet cauhsangz. Lauxsae byaij gvaqdaej, cam byawz bae baet diuz mieng uq mbiengj haenx. Gyoengq doengzhag cungj cang gij yiengh cingqcaih ciensim guh hong, ngaem gyaeu mbouj guhsing. Mwhde, Lij Liz sing hung naeuz: “Lauxsae, gou bae!”

Ndaejnyi gij vah de, gyoengq doengz-hag cungj cuengq gaemz heiq he. Hoeng, lauxsae doiq gou naeuz: “Bungz Yez, mwngz bae bang de.”

Gou? Caeuq de doxcaez bae baet mieng uq? Gou cengqgengz doiq lauxsae riu naeuz: “Ndei ha.” Gou dwg hagseng ndei ndaw ban, baenzlawz gamj mbouj dingq vah lauxsae? Gou cijndei dawz fagnep raez, byaij bae coh diuz mieng haeu haenx.

Lij Liz caeux couh gaenq diuq roengz ndaw mieng bae, hainduj cingleix lo. Heiqhaeu coemj gvaq naj daej, gou ganjgip goemq ndaeng, nyaeuq aen najbyak, ndawsim gig dwgcaengz caeuq yieplau, caen mbouj rox baenzlawz diuq roengzbae baet. Mwhde, Lij Liz ngiengx gyaeu hwnj, riu dwk doiq gou naeuz: “Mbouj miz maz law, gou boux dog baet couh ndaej lo, mwngz bae baet gizwnq ba.”

Gou ndwn youq gwnz mieng yawj de, gwnz naj de raemxhanh yied daej yied lai, geubuh de deng hanh iemq dumz lo. De mbouj dawz haeujsim yungh fwngz uetuet hanh, yienzhaeu sugsed dawz nyapnyaj nep haeu ndaw doengj, youh vatvet buet bae dauj nyapnyaj.

Gou gag laihnaeuz gou dwg hagseng ndei ndaw ban, hoeng youq mwh youqgaenj, gou cix doiqlaeng lo. Seizneix, yawjraen aenndang doengzdaiz gou gaenxgyaek guh hong haenx, gou najmong dwk ngaem gyaeu roengzdaej lo.

Boux doengzdaiz moq neix, caen hawj gou boiqfug ha!

(seiq nienzgaep Bungz Yez)



Vacazyouz Hausaksak

Ngoenzneix, gou caeuq daxboh bae aeu fwnz. Youq gwnz bya gyae'gyanggyang de miz benq ndoengfaex ndeu, gogo faex cungj hai va hausaksak. Gou caengz ndaej raen gvaq va hau lai baenzneix hung baenzneix.

Boh naeuz, neix dwg vacazyouz go.

Vacazyouz, goj dwg vacaz lwi? Caeuq doenghgij cazbya nding gyoengq boh' au gyoengq mehliuz gyaez ndaem youq ndaw bat de, cungj doengzyienh dwg vacaz lwi?

Dwg go, boh naeuz, vacazyouz goj dwg vacaz go, hoeng, mbouj miz saek boux vunz ndaem vacazyouz youq ndaw bat aeu daej yawjgonz bw. De maj youq gwnz bya, laeglemx hai va, laeglemx loenq, goj laeglemx baenz aen, baenz aen laux lumj makdoengj bae. Gyoengq bouxguhnaz mbaet mak de ma caqyouz, youz de baenz yungh lailai.

Vacazyouz goj dwg vacaz, vihmaz vunzlai cungj haenh gyaez doenghgij cazbya nding dan hai va mbouj baenz aenmak de ne? Vih maz vunzlai mbouj haenh gyaez vacazyouz baenz aenmak neix ne?

Vacazyouz hausaksak neix goj caemh dwg dujva gyaeundeiraxcaix bw.

(Daj 《Bonjsei Sim Lwngnyez》 (Veiz Gizlinz raiz) senj okdaej, Lwgfwnzmeih(Luz Fwncangj))卢 奋 长 hoiz)

